

Le Côrbé è le Rein-nâ

Oun chopërbo Côrbé
Le Côrbé di ma-in
Ou fin son d'ôna lâje
Bâ ou kio dè Cho-in,
Tegnai, in choun bèc rècrôtchià,
Ona mota robâye in la rajyre d'oun plintchià.

Ché dè la nâta fin-na, le djiâblo dè Rein-nâ,
Chintin ôna bona sîn-na,
Chôrte di bâ pèr dafon oun bochon è vîn ènâ.

Ch'aprosse dou Côrbé è you lo gabâ
Por afroâ dè l'afenâ.

"Gran bounzo, Mochiau Côrbé, oun vrai rouai !
Tô pou pâ t'incounprendre vouéro tô mè chinble byô
vouai...!
Dè plauome felôyinte, oun bèc byin syriâ...

In tota councinyinse ch'oun pou dere ke ta vouai...!
Yè pari bèla ke tè plauome,
Té le plô bèla bétche k'y you di Tsanchaïc ou Yapaïc
!"

Chin li va draïsse ou kiau.

Le Côrbé chou cha mâtse cominse a chôoutonâ
È ché prèpâre a bayeu oun dè hlô j'hiâ dè vouai.

Kan, lo bèc lârze ouvouai,
Chindebete dèjà ke le mota li a èssapâ
Ya pâ pouchou bayeu foura.

Le Rein-nâ prin sta mota è vy-a.

Di oun tasiô louin ché revyre po li deure

"Kan oun ou ché fère gabâ, yè thôna tsauja ke fau
payeu."

Le Côrbé to môjoc d'aithre fé afenâ,
È ché chintin trouâ ènâ,
Môche bâ chour'oun choóc
Po ché catchieu dè hlôc
Ke vajân dèjà senâ.

Le kau d'oueu ou djiablate,
Ke li fé per dery,
Ôlè deure to plate
Sti tore yè le dery.
Stâ leïsson vâ prô ôna mota

Texte de Jules Seppey
"Le flouty dè la chyrieuje " - 1962